

Мукаммал эшик



14:00 / 06.02.2023 2016

Агар Унинг ҳузуридаги қадрингни билмоқчи бўлсанг, сенга нима қилдириб қўйганига боқ.

Ибн Атоуллоҳ «Ҳикматлари»дан

Чунки манзил-мартабалар меҳмоннинг даражасига қараб бўлади. Агар У сени дунёга буриб қўйган бўлса, хўрлагани ана шу.

Агар Ўзидан қўйиб, халқ билан машғул этган бўлса, буриб қўйгани шу. Агар амалга йўллаган эса, сенга мадад берибди. Агар илм эшигини очган бўлса, сени ирода этибди.

Агар муножотни тилиннга қўйибди, унда Ўзига яқин этибди. Агар балога йўлиқтирган бўлса, сени Ўзига ҳидоят қилибди.

Агар мақсадлардан бурган бўлса, сенга одоб берибди. Агар У билан Ундан рози қилган бўлса, сенга ризо эшигини очибди. Бу эса энг улуг, энг мукаммал эшиқдир.

Расулуллоҳ соллаллоҳу алайҳи васаллам айтадилар:

«Ким Аллоҳнинг ҳузурида унга нима борлигини билишни хоҳласа, ўзининг олдида Аллоҳ учун нима борлигига қарасин.

Чунки банда Уни ўзида қайси даражага қўйса, Аллоҳ ҳам бандани ўша даражага қўяди».

Дорақутний ва Абу Нуъаймлар ривояти.

Фузайл ибн Иёз айтадилар:

«Банда Роббисига, Унинг олдидаги мартабаси қадар итоат этади».

Шайх Аҳмад Зарруқ шарҳларидан мухтасар таржима

Мубашшир Аҳмад